

Қазақстан Республикасы Президентінің 1998 жылғы 30 маусымдағы N 3985 Жарлығына өзгеріс енгізу туралы

Қазақстан Республикасы Президентінің 2003 жылғы 24 қарашадағы N 1234 Жарлығы

Қазақстан Республикасы Президентінің жанындағы Шетелдік инвесторлар кеңесінің тиімді жұмыс істеуі үшін құқықтық жағдайларды жетілдіру мақсатында қаулы етемін:

1. "Қазақстан Республикасы Президентінің жанынан Шетелдік инвесторлар кеңесін құру туралы" Қазақстан Республикасы Президентінің 1998 жылғы 30 маусымдағы N 3985 Жарлығына (Қазақстан Республикасының ПҰАЖ-ы, 1998 ж., N 18, 156-құжат; 2000 ж., N 17, 168-құжат) мынадай өзгеріс енгізілсін:

жоғарыда аталған Жарлықпен бекітілген Қазақстан Республикасы Президентінің жанындағы Шетелдік инвесторлар кеңесі туралы ереже қосымшаға сәйкес жаңа редакцияда жазылсын.

2. Осы Жарлық қол қойылған күнінен бастап күшіне енеді.

Қ а з а қ с т а н Р е с п у б л и к а с ы н ы ң

Президенті

Қ а з а қ с т а н Р е с п у б л и к а с ы
П р е з и д е н т і н і ң
2 0 0 3 ж ы л ғ ы 2 4 қ а р а ш а д а ғ ы
N 1 2 3 4 Ж а р л ы ғ ы н а

Қосымша

Қ а з а қ с т а н Р е с п у б л и к а с ы
П р е з и д е н т і н і ң
1 9 9 8 ж ы л ғ ы 3 0 м а у с ы м д а ғ ы
N 3 9 8 5 Ж а р л ы ғ ы м е н

Бекітілген

Қазақстан Республикасы Президентінің жанындағы Шетелдік инвесторлар кеңесі туралы

ЕРЕЖЕ

1. Жалпы ережелер

1. Шетелдік инвесторлар кеңесі (бұдан әрі - Кеңес) Қазақстан Республикасы Президентінің жанындағы консультативтік-кеңесші орган болып табылады.

2. Кеңес қызметінің құқықтық негізін Қазақстан Республикасының Конституциясы мен заңдары, Қазақстан Республикасы Президентінің актілері, Қазақстан Республикасының өзге де нормативтік құқықтық актілері, сондай-ақ осы Ереже құрайды.

3. Кеңестің қызметін қамтамасыз етуді Қазақстан Республикасы Президентінің Әкімшілігі мен Кеңестің жұмыс органы жүзеге асырады.

4. Қазақстан Республикасының Индустрия және сауда министрлігінің Инвестициялар жөніндегі комитеті Кеңестің жұмыс органы болып табылады.

5. Кеңестің алдына қойылған міндеттерді іске асыру мақсатында оның шешімдерімен Кеңестің бірлескен жұмыс топтары құрылады.

2. Кеңестің негізгі міндеттері

6. Кеңестің негізгі міндеттері:

1) мына мәселелер жөнінде ұсынымдар мен ұсыныстар әзірлеу:
Қазақстан Республикасының инвестициялық саясатының негізгі бағыттарын а й қ ы н д а у ;

Қазақстан Республикасындағы инвестициялық ахуалды жақсарту;
Қазақстан Республикасының инвестициялар туралы нормативтік құқықтық базасын ж е т і л д і р у ;

экономиканы әртараптандыру, өнеркәсіптік секторды индустрияландыру, шағын және орта бизнесті дамыту үшін қолайлы инвестициялық және құқықтық жағдайлар ж а с а у ;

Қазақстан Республикасының экономикасын әлемдік экономикалық процестерге ы қ п а л д а с т ы р у ;

Қазақстан Республикасының экономикасына шетелдік инвестицияларды тарту с т р а т е г и я с ы ;

Қазақстан Республикасының халықаралық мәні бар ірі инвестициялық бағдарламалары мен жобаларын іске асыру;

2) Қазақстан Республикасы Президентінің тапсырмасы бойынша инвестициялық саясаттың өзге де маңызды мәселелерін қарау және талқылау болып табылады.

3. Кеңестің құрамы

7. Қазақстан Республикасының Президенті Кеңестің төрағасы болып табылады.

8. Лауазымы бойынша: Қазақстан Республикасының Премьер-Министрі, Қазақстан Республикасы Ұлттық Банкінің Төрағасы, Қазақстан Республикасы Президентінің инвестиция мәселелерін қадағалайтын көмекшісі, Қазақстан Республикасының Сыртқы істер министрі, Қазақстан Республикасының Индустрия және сауда министрі,

Қазақстан Республикасының Қаржы министрі, Қазақстан Республикасының Экономика және бюджеттік жоспарлау министрі және Кеңестің жұмыс органының бірінші басшысы Кеңестің тұрақты мүшелері болып табылады.

9. Кеңестің құрамына Қазақстан Республикасының Президенті айқындайтын Қазақстан Республикасының өзге де лауазымдық тұлғалары кіре алады.

10. Кеңестің шетелдік тараптан құрамы осы Ережеде белгіленген тәртіппен халықаралық экономикалық және қаржы ұйымдарының (бұдан әрі - халықаралық ұйымдар) өкілдері, шетелдік компаниялардың бірінші басшылары немесе олардың орынбасарлары қатарынан құрылады.

11. Кеңестің дербес құрамын Қазақстан Республикасының Президенті бекітеді.

4. Кеңеске мүшелікке өтінімдер беру және оларды қарау тәртібі

12. Кеңестің құрамына қабылдану үшін халықаралық ұйымдардың, шетелдік компаниялардың өкілдері (бұдан әрі - үміткерлер) жұмыс органына осы Ережеге қосымшада белгіленген нысан бойынша өтінім береді.

13. Халықаралық ұйымдардың және шетелдік компаниялардың, олар ұсынған үміткерлердің Қазақстан Республикасының экономикасына жер қойнауын пайдалану саласында жұмыс істейтін инвесторлар үшін кемінде 100 миллион АҚШ долларына және экономиканың өзге де секторларындағы инвесторлар үшін кемінде 25 миллион АҚШ долларына баламалы сомада тікелей инвестициялар салуы Кеңестің мүшелігіне қабылдану үшін негізгі өлшем болып табылады.

Қазақстан Республикасының экономикасында қолайлы инвестициялық ахуал қалыптастыру және инвестициялық процестерді жандандыру жөніндегі жұмысқа белсенді қатысатын халықаралық және өзге де ұйымдардың, банктердің өкілдері де Кеңестің мүшелері бола алады.

14. Кеңестің мүшесіне қабылдау туралы өтінімдерді қарау кезінде жұмыс органы, с о н д а й - а қ :

- 1) жұмыс топтарының қызметіне қатысуын;
- 2) халықаралық ұйымның немесе шетелдік компанияның тәжірибесі мен іскерлік б е д е л і н ;
- 3) Қазақстан Республикасының экономикасы мен әлеуметтік саласын дамыту үшін халықаралық ұйым немесе шетелдік компания қызметінің маңыздылығын;
- 4) Қазақстан Республикасының әлеуметтік міндеттерін шешуге қатысуы, Қазақстан Республикасының аумағындағы демеушілік және қайырымдылық қызметін;
- 5) Қазақстан Республикасындағы инвестициялық қызметті стратегиялық кеңейтуге д а й ы н д ы ғ ы н ;
- 6) шетелдерде Қазақстан Республикасының инвестициялық имиджін арттыру

жөнiндегi жұмысқа қатысуын;

7) Қазақстан Республикасында тіркелген өнеркәсіптік және іскерлік қауымдастықтардың, мемлекеттер елшіліктерінің ұсынымдарын ескереді.

15. Өзге де тең жағдай кезінде инвестициялық қызметті экономиканың шикізат емес секторларында жүзеге асыратын халықаралық ұйымдар мен шетелдік компанияларға артықшылық беріледі.

5. Шетелдік мүшенің Кеңесте болу мерзімі

16. Шетелдік мүше үшін Кеңесте болу мерзімі 3 жылды құрайды және Қазақстан Республикасы Президентінің шешімі бойынша осы Ереженің 22-тармағының 1), 2) және 4) тармақшаларында көзделген жағдайларды қоспағанда, кезекті үш жылдық кезеңге ұзартылуы мүмкін.

6. Кеңестің шетелдік мүшелерін алмастыру

17. Кеңестің шетелдік мүшелерінің үштен бірін алмастыру (жаңа мүшелермен ауыстыру) осы Ережеде белгіленген тәртіппен жылына бір реттен жиі емес жүзеге асырылады.

Алмастырудың мақсаты Кеңесті өзіне жүктелген міндеттерді тиімді орындауға барынша ықпал ететін құрамда ұстау болып табылады.

Кеңестің шетелдік мүшесін сол халықаралық ұйымның немесе шетелдік компанияның өкілдерімен ауыстыру алмастыру болып табылмайды.

18. Алмастыру жұмыс органының ұсыныстары негізінде Қазақстан Республикасы Президентінің шешімі бойынша жүзеге асырылады.

19. Алмастыру туралы мәселені қарау үшін жұмыс органы Кеңесте тұратын халықаралық ұйымдардан/шетелдік компаниялардан қажетті ақпаратты сұрата алады.

20. Жұмыс органы алмастыру туралы мәселені қарау мақсатында Кеңестің шетелдік мүшелерін алмастыру жөнiндегi топ (бұдан әрi - топ) құрады.

Топтың құрамын құру тәртібін жұмыс органы айқындайды.

21. Топтың ұсынымдарын ескере отырып, жұмыс органы Қазақстан Республикасының Президентіне Кеңестің құрамы бойынша ұсыныстар әзірлейді.

7. Шетелдік мүшені Кеңестің құрамынан шығару үшін негіздемелер

22. Шетелдік мүшені Кеңестің құрамынан шығару үшін:

1) Кеңестің шетелдік мүшесінің Кеңестегі өз қызметін тоқтату туралы жазбаша өтініші;

2) Кеңестің шетелдік мүшесі өкілі болып табылатын халықаралық ұйымның немесе шетелдік компанияның Қазақстан Республикасында инвестициялық қызметті тоқтатуы;

3) Кеңестің құрамында болу мерзімінің аяқталуы;

4) шетелдік мүшенің немесе ол өкілі болып табылатын шетелдік компанияның Қазақстан Республикасының заңнамасын, Қазақстанда жұмыс істейтін шетелдік инвесторлар этикасының кодексі туралы 2000 жылғы 8 желтоқсандағы декларацияны сақтамауы негіздеме болып табылады.

8. Кеңестің бірлескен жұмыс топтары

23. Кеңестің бірлескен жұмыс топтарының қызметіне жалпы басшылық етуді олардың қазақстандық және шетелдік тараптарынан тең төрағалар жүзеге асырады.

Бірлескен жұмыс тобының қазақстандық тарапынан тең төраға министрлік немесе ведомство басшысы орынбасарынан төмен емес деңгейдегі лауазымды тұлға бола алады.

Бірлескен жұмыс тобының шетелдік тарапынан тең төраға тек басшыларының бірі Кеңестің мүшесі болып табылатын халықаралық ұйымның немесе шетелдік компанияның қазақстандық өкілдігінің басшысы ғана бола алады.

24. Кеңестің бірлескен жұмыс топтарының іс-шаралар жоспарларын бірлескен жұмыс топтарының тең төрағалары бекітеді.

25. Кеңестің бірлескен жұмыс топтарының құрамы жалпы отырыстарда бекітіледі.

26. Кеңестің бірлескен жұмыс топтарының құрамына Қазақстан Республикасы мемлекеттік органдарының, халықаралық ұйымдардың, бірлескен кәсіпорындардың, қазақстандық және шетелдік компаниялардың өкілдері кіре алады.

27. Кеңестің бірлескен жұмыс топтарының жұмысына қатысу алмастыру құқығынсыз жүзеге асырылады.

9. Кеңестің жұмыс тәртібі

28. Кеңестің жалпы отырыстары Кеңес төрағасы белгілейтін мерзімдерде жылына кемінде екі рет өткізіледі.

Кеңестің жалпы отырыстары Кеңес мүшелерінің жалпы санының кемінде үштен екісі қатысқанда құқылы.

29. Кеңестің жалпы отырыстарының аралығындағы кезеңде Премьер-Министрдің инвестициялық саясат мәселелерін қадағалайтын орынбасарының төрағалық етуімен Кеңестің аралық отырыстары өткізіледі.

Аралық отырыстарға Қазақстан Республикасының мүдделі мемлекеттік органдары басшыларының орынбасарынан төмен емес деңгейіндегі өкілдері, Кеңестің бірлескен

жұмыс топтарының тең төрағалары, сондай-ақ Кеңестің шетелдік мүшелерінің Қазақстан Республикасындағы тұрақты өкілдері қатысады.

Аралық отырыстарда соңғы жалпы отырыс шешімдерінің орындалу қорытындылары, Кеңестің бірлескен жұмыс топтары қызметінің нәтижелері, келесі жалпы отырысқа дайындық, шетелдік инвесторлардың ағымдағы проблемалары және өзге де мәселелер талқыланады.

30. Кеңестің жалпы және аралық отырыстарына Қазақстан Республикасының мүдделі мемлекеттік органдарының өкілдері, сондай-ақ оның құрамына кірмейтін халықаралық ұйымдар мен шетелдік компаниялардың өкілдері шақырылуы мүмкін.

31. Кеңестің жалпы және аралық отырыстарының қорытындылары бойынша Кеңестің шетелдік мүшелерінің ұсынымдары ескеріле отырып хаттама қабылданады.

10. Кеңестің жұмыс органы

32. Кеңестің жұмыс органы:

1) Кеңестің және оның бірлескен жұмыс топтарының құрамы бойынша ұсыныстар әзірлеу және Қазақстан Республикасы Президентінің қарауына енгізу;

2) Кеңестің бірлескен және аралық отырыстарын ұйымдастыру және өткізу;

3) бірлескен жұмыс топтарының қызметін үйлестіру;

4) Кеңестің және оның бірлескен жұмыс топтарының хаттамалық шешімдерін орындау мониторингін жүргізу;

5) Кеңестің және оның бірлескен жұмыс топтарының қызметіне қатысты нормативтік құқықтық актілердің жобаларын әзірлеу;

6) Кеңестің және оның бірлескен жұмыс топтарының қызметін талдау, Кеңестің және оның бірлескен жұмыс топтарының қызметін жетілдіру жөніндегі ұсыныстарды қарау, әзірлеу және іске асыру жөніндегі функцияларды атқарады.

Қ а з а қ с т а н Р е с п у б л и к а с ы

П р е з и д е н т і н і ң

2 0 0 3 ж ы л ғ ы 2 4 қ а р а ш а д а ғ ы

№ 1 2 3 4 Ж а р л ы ғ ы м е н б е к і т і л г е н

Қ а з а қ с т а н Р е с п у б л и к а с ы

П р е з и д е н т і н і ң ж а н ы н д а ғ ы

Ш е т е л д і к и н в е с т о р л а р

к е ң е с і т у р а л ы е р е ж е г е

Қосымша

**Кеңеске мүшелікке қабылдау үшін
ӨТІНІМ**

1. Халықаралық ұйымның/шетелдік компанияның атауы

2. Почталық мекен-жайы: _____
3. Шыққан елі: _____
4. Халықаралық ұйымның/шетелдік компанияның қызметіне жалпы сипаттама (қызмет саласы, іскерлік беделі)
5. Халықаралық ұйымның/шетелдік компанияның Қазақстан Республикасының өңірлеріндегі жобалардың тізбесін қоса алғанда, Қазақстанда инвестициялық жобаларды іске асыруға қ а т ы с у ы т у р а л ы а қ п а р а т
6. Қазақстан Республикасының экономикасына салынған тікелей инвестициялардың көлемі
7. Қазақстан аумағындағы жиынтық айналым, өндіріс көлемі
8. Қазақстан Республикасының мемлекеттік бюджетіне халықаралық ұйымның/шетелдік компанияның қызметінен түсетін түсімдер
9. Халықаралық ұйымның/шетелдік компанияның Қазақстан Республикасының әлеуметтік міндеттерін шешуге қатысуы, Қазақстан Республикасының аумағындағы демеушілік және қ а ы ы р ы м д ы л ы қ қ ы з м е т
10. Қазақстандық қызметкерлердің саны
11. Шетелдерде Қазақстан Республикасының инвестициялық имиджін арттыру жөніндегі іс-шараларға қатысуы туралы ақпарат
12. Үміткердің аты-жөні: _____
13. Лауазымы: _____
14. Кәсіптік қызметі: _____
-

15. Халықаралық ұйымда/шетелдік компанияда жұмыс істеу м е р з і м і :

16. Қоса беріліп отырған құжаттар (Қазақстан Республикасы мемлекеттік басқару органдарының, Қазақстан Республикасында тіркелген өнеркәсіптік және іскерлік қауымдастықтардың, мемлекеттер елшіліктерінің кепілдеме хаттары): _____